

SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU
GODIŠNJEG FINANSIJSKOG IZVJEŠTAJA ZA 2005. GODINU
HRVATSKE SELJAČKE STRANKE BOSNE I HERCEGOVINE

Broj:09-07-6-632/06
Sarajevo,17.april 2007. godine

SADRŽAJ :

MIŠLJENJE REVIZORA	2
1. UVOD	3
2. PREDSTAVLJANJE POLITIČKE STRANKE	3
3. OPIS PREGLEDA I KANCELARIJSKE REVIZIJE	4
Predmet kancelarijske revizije	4
Cilj kancelarijske revizije	4
Obim kancelarijske revizije	4
4. PREDHODNE REVIZIJE	4
5. NALAZI KANCELARIJSKE REVIZIJE I PREPORUKE	4
5.1. NALAZI	4
5.2. PREPORUKE	5

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjeg finansijskog izvještaja **Hrvatske seljačke stranke BiH** za 2005. godinu.

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke, kontrolu izvoda iz poslovnih knjiga političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda utvrđeno je sljedeće:

-Stranka nije ispoštovala odredbe člana 11. stav 3. Zakona o finansiranju političkih partija, na taj način što nije pravilno popunila finansijski izvještaj. Pojedinačni obrasci koji čine sastavni dio obrasca br.3. Ukupni prihodi političke partije, nisu nikako dostavljeni i to sljedeći obrasci: 3-b, 3-c, 3-d, i 3-e.

-Ukupni rashodi političke partije netačno prikazani, iz razloga što zbir sa pojedinačnih obrazaca ne odgovara stanju ukupno za stranku, za iznos razlike od 44.927,63 KM.

Na osnovu našeg pregleda, odnosno revizije finansijskog izvještaja, osim gornjih napomena, nismo zapazili ništa značajno što bi ukazalo na druge nedostatke u izvještaju ili finansiranju ove političke stranke, te nije potrebno vršiti dodatnu reviziju u prostorijama stranke po članu 14. stav 7. Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjeg finansijskog izvještaja i dodatne finansijske dokumentacije za 2005. godinu Hrvatske seljačke stranke Bosne i Hercegovine.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05, od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatska seljačka stranka BiH iskazala prihode u iznosu od 134.476,56 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u Uk.prih. %
1	Članarina	1.295,00	1,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	133.028,31	98,90%
8	Ostali prihodi	153,25	0,1%
	Ukupni prihodi:	134.476,56	100,00

U godišnjem finansijskom izvještaju Hrvatska seljačka stranka BiH je iskazala ukupne rashode u iznosu od 51.341,06 KM.

2. PREDSTAVLJANJE POLITIČKE STRANKE

Naziv političke stranke: Hrvatska seljačka stranka Bosne i Hercegovine. Skraćeni naziv stranke je: HSS BiH.

HSS BiH je registrovana 10.05.1993.godine, kod Višeg suda u Sarajevu-Kantonalni sud Sarajevo, pod brojem :R-I-2/93.

Sjedište političke partije je u Sarajevu, ulica Radićeva 4.

Za zastupanje stranke ovlašteni su prof.dr.Marko Tadić, predsjednik, i Neda Pozderac ,glavna tajnica.

Lice ovlašteno za podnošenje finansijskih izvještaja je Muradeta Hamzić.

Organizacionu strukturu HSS BiH čine:

- Glavni ured Sarajevo,
- Brčko_Distrikt BiH,
- Županija Posavska _Orašje,
- HSS_Livno,
- HSS_Ilijaš.

- HSS Kupres,
- HSS Kiseljak i
- HSS Vareš.

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj HSS BiH za 2005. godinu i dodatna finansijska dokumentacija (izvodi iz poslovnih knjiga) za Glavni ured.

Cilj kancelarijske revizije je da revizor na bazi finansijskog izvještaja pokuša da ustanovi da li je HSS BiH u izvještajnom periodu postupila u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim kancelarijske revizije finansijskih izvještaja HSS BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica, prihode od imovine.

4. PRETHODNE REVIZIJE

Prethodna revizija za ovu političku stranku nije vršena.

5. NALAZI KANCELARIJSKE REVIZIJE I PREPORUKE

5.1. NALAZI

- **Na osnovu obavljene kontrole prihoda iskazanih u godišnjem finansijskom izvještaju za 2005.godinu i to pojedinačnih obrazaca, i analitičkih kartica glavne knjige, utvrđene su nepravilnosti koje ukazuju na kršenje odredbi člana II. Stav 3. Zakona o finansiranju političkih stranaka.**

-Članarina ukupno naplaćena u iznosu od 1295,00 KM /podatak iz obrasca br.3/, koji ne odgovara stanju Konta 4101 Članarine od gradjana-stanje na kontu iznosi 3.449,50 KM, što predstavlja razliku od 2.154,50 KM.

-Na obrascu 3-a prilozi fizičkih lica ,pogrešno uneseni podaci za članarine.

-Nisu nikako dostavljeni pojedinačni obrasci i to sljedeći : 3-b, 3-c, 3-d, i 3-e.

- **Na osnovu obavljene kontrole troškova iskazanih u godišnjem finansijskom izvještaju za 2005. godinu formulara 4 Rashodi političke partije i pojedinačnih obrazaca 4-1, 4-2,4-3. uočena su sljedeća odstupanja, koja ukazuju na kršenje odredaba člana 11. stav 3. Zakona o finansiranju političkih stranaka.**

-Troškovi propagande na obrascu 4. iskazani su u iznosu od 17.151,89 KM, dok zbir sa pojedinačnih obrazaca 4-2. daje iznos od 19.110,93 KM, sa razlikom od 1.959,04 KM.

-Ostali troškovi na obrascu 4. iskazani su u iznosu od 16.440,54 KM, dok zbir troškova sa pojedinačnih obrazaca 4-3. iznosi 59.409,13 KM, sa pokazanom razlikom od 42.968,59 KM.

Tako da su ukupni rashodi političke stranke direktno umanjeni za iznos evidentirane dvije razlike, čiji zbir iznosi 44.927,63 KM, što ilustruje sljedeća tabela:

Red.. broj	VRSTA TROŠKOVA	IZNOS U KM Podaci iz obrasca 4. za stranku. /Ukupno/	IZNOS U KM Pojedinačni obrasci /Ukupna vrijedn.usluge/	RAZLIKA U KM /kolona 4.minus kolona 3./
1	2	3	4	5
2	Režijsko-administr.troškovi /4-1/	17.748,63	17.748,63	0,00
3	Troškovi propagande /obr.4-2/	17.151,89	19.110,93	1.959,04
4	Ostali troškovi /obrazac 4-3/	16.440,54	59.409,13	42.968,59
5	UKUPNO: /2+3+4/	51.341,06	96.268,69	44.927,63

5.2. PREPORUKE

Na osnovu uočenih nedostataka Hrvatskoj seljačkoj stranci Bosne i Hercegovine se preporučuje :

- Stranka treba postupati u skladu sa članom 11. stav 3 Zakona o finansiranju političkih stranaka.

Gušić Hasida, šef Službe

Andan Nevenko, revizor